

исполненных опечалися зело скорбию великою. И рече сыну своему: „О милое мое и драгое чадо, княже Иванне, прииди на ны от бога наказание грех ради наших, посла на нас поганых сих измаильтян.<sup>а</sup> И хотят нас до конца разорити и пленити, и мужа моего государя, а твоего отца, убиша. Еще же и мене хошет безбожный царь осквернити, а тебе поработити и в безсерменскую веру научити. И лутче ми есть смерть приняти с тобою, нежели нам в руках поганых поруганым быти“.<sup>а</sup> И абие в той час вержеса ис превысокия храмины своя и з сыном своим Иваном долу на средю земли, и зарази сама себе до смерти. И так душа своя предаша господеву, мученически скоьчашася. И услыша о сем князь великий Юрьи Ингоревичь — убиение возлюбленого сына своего князя Феодора Юрьевича, и иных князей нарочитых, и людей много побиненых от безбожного царя, — и начат плакаться со своею княгинею и з братиею. И весь град плакашася на мног час и едва отдохнуша от великаго того плача и рыдания. И посла вскоре во град Владимир к великому князю Юрью Всеволодичю Владимирскому. Брату же его Ярославу тогда сушу в великом Новеграде князюшу. И прося помощи от него на безбожного царя, или бы сам пришел с вои. Князь же великий Юрьи Владимирский по дьяволу действу, яко же от века той вражду творя во всех человецех и нелюбовь и зависть вложи (бяху бо во вражде меж собою о власти с Киевским и с Резанским), и не послуша мольбы и совета князей резанских, сам не поиде, ни рати посла на помощь. Но хоте сам рать особ сотворити з Батыем. Все то дьяволу гордость влагаючи в них, яко же и доньне. Не пред многими бо леты преж сего пришествия поганых бишася братия великие князи между собою о власти, и много крови пролияша. Мню того ради богу попустившу, того ради на них поганых. Брани же тогда от бога и гневу посланому на православныя христиане на всю Рускую землю. И кто бяше гневу божию противитися может аще не покаянием со слезами припадем к нему и умолим, яко же нинявитяне древле, и во Иерусалиме, и во Цареграде тако бысть. И сия вся наведе бог грех ради наших, недоумение, и грозный страх, и трепет бысть на всех живущих. И слыша князь великий Юрьи Ингоревич Резанский, яко не бысть ему помощи ни от кого, вскоре начат воиска своя совокупляти и укрепляти, еже твердо стояти, непоколебимо противу поганых. И поидоша противу безбожному царю Батыю. И сretoша его близ предел резанских, и нападоша на них татарове вскоре, и начаша битися крепко. И бысть обоим ратем сеча зла и ужасна, и бившеса много, и храбро, и мужественно с татары проезжая сильныя полки их, яко страшно и ужасно и умильно зрети от обою полков падающих. Царь же Батый убояся вельми, виде своих множество побинено, сильныя полки татарские подоша. Но кто противу гневу божию постоит? Батыевой бо силе велице и тяжце суци, аще бы и вся земля Руская, собравшися стала

<sup>а</sup> нль вписано пояднее.